



Centro Nacional Chega!l.P

Da Memória à Esperança



KOMUNIKADU IMPRENSA

Centro Chega!l.P Apoiu Umanitariu Ba Vitima/Sobrevivente Vulneravel Liu

(Liquiça, 15 Abril 2025) Centro Nacional Chega!l.P liu husi Divizaun Servisu Reparativu (DSR) hala'o atividade apoiu umanitaria ba vitima/sobrevivente vulneravel liu iha munisipiu Liquiça, iha âmbito komemorasaun Masakre Igreja Liquiça, 6 Abril 1999 ba dala-26 ho tema "Memorializasaun Nu'udar Dalan ba Dame hodi Valoriza no Dignifika Heroi da Pátria".

Objetivu husi apoiu umanitariu ne'e nu'udar forma ida husi reparasaun ba Vitima/Sobrevivente mais vulneravel liu hodi hakmaan sira nia todan atu asesu ba nesesidade bazika. Objetivu seluk mak nu'udar dignifikasaun no rekoñesementu ida husi estadu liu-liu governu nian ba vitima sira ne'ebé iha tempu pasadu fo ona kontribuisaun ba iha prosesu luta libertasaun nasional. Apoiu ida ne'e mos nu'udar asaun umanitária ho forma ida hodi aprofunda liu tan materializasaun valores solidariedade no mos valores rezistencia nian ba populasaun sira no valor sira ne'e kontinua buras iha interasaun sosiedade nia loron-loron nian.

Razaun apoiu umanitariu ba vitima/sobrevivente mais vulneravel liu tanba sira ne'e vitima funu oras ne'e kontinua moris iha kondisaun mais vulneravel liu tanba kauza husi violasaun direitu manus ne'ebé sira hasoru iha período rezistênsia nia laran. Ho apoiu ida ne'e bele hakmaan todan ka difikuldade vítima vulnerável liu hodi asesu ba nesesidade bazika sira.

Apoiu ida ne'e hala'o bazeia ba dekretu lei nú 48/2016 hodi tau matan no asegura vítima/sobrevivente vulnerável liu sira hetan assistência dignu husi governu no estadu ne'ebé haktuir iha Centro Chega!l.P nia misaun "*O Centro tem por missão promover a implementação das recomendações da CAVR relativas à institucionalização da memória e à promoção dos direitos humanos através da educação e formação e de solidariedade com os sobreviventes mais vulneráveis das violações de direitos humanos, bem como, das recomendações comuns à CAVR e CVA no que diz respeito à construção de um centro nacional de memória, pesquisa e aprendizagem*". Konsidera ba implementasaun rekomendasaun Chega! 12. Reparasaun ba vitima/sobrevivente sira hateten "*Vitima husi funu nian tenke hetan atensaun hodi sira bele ultrapasa vida vulnerável sira, husi aspeitu social no ekonomia*".

Apoiu umanitariu ne'e hola parte iha Planu Asaun Anual (PAA) Centro Nacional Chega!l.P 2025 nian ho atividade: *Assistência humanitária*, Sub-programa: *Promover coesão social, diálogo e resolução de conflito*, Programa: *Combatente da Libertação Nacional*.

– Remata –

Ba informasaun liu tan kontaktu:

Raimundo Sarmiento Fraga
Ofisiál Média no Komunikasaun

Email: rsfraga@centrochega.gov.tl

Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho dekretu Lei n°. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeitu ba direitus umanu". Nia misaun mak: "Harii sentru Pós-konflitu ne'ebé prezerva memória pasadu nian hodi promove direitus no valór umanu, harii parseria nasional no internasionál hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memoriam Ad Spem*, sira ne'ebé relevante".